

玄覽堂叢書

第一二三冊

東坡全集卷之三

南都公檄

維崇禎十七年四月朔日南京參贊機務兵部尚
書史可法等謹以 宗社危情生民至計布告普
天臣子嘗被

今天子十七年之鴻休託

高皇帝三百祀之陰騭者其言曰竊聞遭時有道類
多以文事之盛而詘武功邁會非常正可以 國
恩之洪而徵臣節故天寶亂而嘗山睢陽之事香

請康靡而宗澤李綱之氣烈彼皆隱從上作黨可
預知然且俛骨錚錚與艮嶽之峰而並厲義風發
蕢撥電棠之奏以爭鳴况休命篤于上天明德光
乎良史有若

本朝者乎力掃腥羶

二祖之廓清號同盤古治崇寬簡

累朝之熙洽象擬華胥迺至

今上特興宏模益備

奉廟之溫恭儼在。

世宗之神武重光當冲齡而掃恭顯之氛立清官府
于

召對而發龔黃之歎總爲編氓以寇起而用兵是虐
民者寇也而兵非得已以兵興而派餉是糜餉者
兵也而餉非自私顧猶

詔旨勤頌有再累吾民之語每遇天災修省無一時
自逸之心蔬膳布袍真能以天下之肥而忘已瘦

蠲逋宥罪。不難引一人之過。以就臣名。是宜大業
之宏昌。何意諸艱之駢集。理誠莫解。事有可陳。思
爲蒼生而得人。上之張羅者。誠廣。責以赤心而
報主。下之自矢者。難言。家家有半閒之堂。事事同
小兒之戲。果能功名比曹武惠。詎妨好官之得錢。
竟無肝膽似漢淮陰。曾念一人之推食。成俗大都
爾爾。賢者亦併悠悠。壅蔽寔繁。擔當何狀。圖之不
早。病已成于養癰。局尚可爲。涉必窮于滅項。悲夫。

悲夫。虜塵未殄。寇焰旋騰。血濺天潢。烽傳

陵寢。秦稱天府。誰能封以一丸。晉有霸圖。無復追其

三駕。迺者介馬橫馳。夫畿輔羽書不絕于殿

廷。南北之耗。莫通。河山之險。盡失。

天威不測。極知漢天子自有神靈。兵勢無嘗。豈得謝

太傅。但憑歌嘯。留都係四方之率。司馬有九伐

之經。義不共天。行將指日。克襄大舉。實賴同仇。請

無分宦遊。無分家食。或世貴如王謝。或最勝若金

張。或子虛之以貲起。或輓輅之以談興。乃至射策
。季廉明經文學。亦往往名班國士。橐爲里雄。合無
。共杼壯謀。各團義旅。仗不需于武庫。糗無壅于郇
。廚。飛附大軍。力爭一決。但群策直承黃鉞。豈賊運
。得有白頭。醜類立殲。普天大酺。此則萬代之所瞻
。仰。雖

九廟爲之鑒臨者也。倘策未暇。夫卽戎。必義且先于
。助餉。多或抵小國之賦。少則割中人之家。幸濟危

機何弦高之牛足惜。卽非長物。亦曹洪之馬是求。各付有司。轉輸留計。此則事彌從便。氣易爲豪。至登壘巨商。聯田富室。若與縉紳並舉。亦自分誼有殊。然使平準法行。卽楊翟之雄。豈得居其奇貨。又如手實令在。將處士之號。未可保其素封。凡稱多算之有餘。摠賴

聖恩之無外。欲與共爲義士。多方亦賴同盟。偶值佳緣。毋忘善誘。譬以同舟之誼。但凡在千八百國疇。

非王臣。揆諸恤緯之心。決不至二十四城。遂無男子。嗚呼。親郊迺雍容之事。唐莊尚有崇韜。出塞本徼倖之圖。漢武乃逢卜式。矧茲何日。敢曰無徒。不

唯

社稷之憂。卽是身家之算。始賊之巧于爲餌。時亦有優孟之仁。迨我之旣入其樊。莫不嬰地獄之罰。齊姜宋子。相牽而入平康。珠戶綺窗。所過便成甌脫。來俊臣之刑具。則公卿之被拷者。痛嘗鄭安上之

畫圖與老弱之受苦者酷肖。是皆難民所說。足令
聽者寒心。夫連歲報陷。如西安太原武昌等處。皆
行省也。其中金穴何止一家。牙籤正不勝紀。若六
時之牛酒不乏。雖八公之艸木可驅。只坐一慳。遂
成胥溺。豈不冤哉。欲圖穩著。須問前車。誠清夜而
念。

上恩。雖何曾之萬錢。有難下咽。更援古以籌時象。豈
王衍之三窟。便可藏身。同舟卽一家。破巢無完卵。

可不思之思之又重思之也哉。法等智不足以効
謀。憤何辭于卽死。實切執殳之願。輒通衽鉢之呼。
人理苟存。我求必應。如或纏情阿堵。絕念封疆。睢
陽之後。竟停。則霽雲抽誓言之矢。荊州之粟獨擁。
則溫嶠有迴指之旗。封章尚達于

北辰。奮筆敢驚于南史。是爲過計。亦屬疑衷。見起
君親。約昭天日。法等無任斫地呼天。極心瀝血之至。

南京兵部尚書史可法

戶部尚書高弘圖

工部尚書程 註

都察院右都御史張懷言

兵部右侍郎呂大器

翰林院掌院詹
事兼侍讀學士 姜曰廣

太常寺卿何應瑞

應天府府尹劉士禎

鴻臚寺卿朱之臣

太僕寺寺丞姚思孝

吏科給事中李 沾

戶科給事中羅萬象

河南道御史郭維經

山東道御史陳良弼

廣東道御史周元泰

山西道御史米壽圖

陝西道御史
加陞一級 王孫蕃

四川道御史朱國昌全頓首懇

出師檄

史可法

在昔元主中夏。殆將百年。惟

太祖一洗腥羶。使斯民再瞻日月。凡有血氣。誰不世沐國恩。歷代耕桑。久則反忘。帝力傳及

先皇帝。仁明繩武。兢業緝熙。踐祚而首剪巨奸。行政則心儀

烈祖。會國步厄。逢陽九。正遼事。償於多年。更值歲荒。因而盜起。勦旣難盡。撫又不從。於是不得已而

徵兵不得已而增餉。原期厚集兵力。一鼓蕩平。暫累吾民。再還熙皞。豈料天不厭亂。賊乃日多。民力竭于徵求。國事壞於貧弱。

先皇帝追維既往。悔艾實深。告

天則身可代。牲祈穀而泪嘗遍地。遇災省過。每累月不入寢宮。蔬膳布袍。無一念敢忘民瘼。覽殘破圖。而潛焉隕涕。命討不惜封侯。讀饑荒疏。而惻然動心。遣賑還爲擇使。其他求賢簡收。百千事美不

勝書。肝食宵衣十七年。過無可舉。方與天心厭
亂。干戈有寧謐之時。無如臣子負恩。文武盡貪庸
之輩。乃有逆賊李自成者。郵傳傭奴。市井猾賊。髮
蓬如薺。鼻折以尖。箭鏃貫睛。每正冠則頭欲裂。瘡
藏遶體。逢陰雨則骨爲齩。偶乘殺運以射。

天遂肆兇鋒而犯闕。逼我

帝后。縱掠宮闈。彘聚朝堂。行酒而遍徵民婦。罔張
市肆。編冊而盡括貲財。尤可恨者。爲搜金而劫掠。